



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Martinii Tridentini E Societate Jesu Sinicae
Historiae Decas Prima**

Martini, Martino

Monachii, 1658

Tertius Imperator Ingus. Imperavit XLVI. dies.

urn:nbn:de:hbz:466:1-11848

tor occisus est anno imperij tertio, florente adhuc ætate. Cujus particidij suipictionem ut à se CHAOCAUS averteret; dum vicariâ manu patratur scelus, domi se continet aliquot dies, morbum simulans. At ubi cædem Imperatoris fama vulgavit; protinus velut illius vindex è domo prorumpit in publicum, conquisite laborans, ut comprehenso sicario sociisque manifestum facinus faciat. Deinde, quod illustrior haberetur adversus CINAM familiam fides sua; effecit, ut INGUS ex eadem sublegeretur Imperator, populis in obsequium ejus jurantibus, In hunc modum occisi ab se Imperatoris infamiam amoliebatur; sed frustra.

TERTIUS IMPERATOR INGUS.

Imperavit LXI. dies.

*Ego lo 41. anno
52. ante Christum 106.*

*CHAOCAUS
suorum scelerum panas
dat.*

*Memoratu di-
gna nequitia
Chaochai.*

INGUS tertium post diem, quam erat electus, cognitâ CHAOCAI nequitia, magnoperè quidem excaecuit; sed primum ultionis impetum retardabat illius potentia. Quare cum filio colloquens, Aegrum & ego simulabo, ait; tu verò, fili, cum CHAOCAUS ex officio, quo fungitur, ad me solus, quod ipsi soli licet, ingredietur, tum ex insidijs repente prossiliens nil tale cogitantem hoc pugione transfige. Acceptoque ferro princeps intentus occasioni, simul mandatum patris & CHAOCAI spiritum exhaust. Hunc exitum habuit CHAOCAUS, homo sanè nequam; cuius postea familiam Imperator in tertiam usque progeniem delevit. Memorant hoc loco Sinici authores, ad tantam potentiam nequissimum hunc Colaus sub ULXIO Imperatore pervenisse, ut, quoscumque lubitum esset Praefectos vel necaret, vel exueret præfecturâ, vel donaret. Ex unius arbitrio ac libidine omnium vita, mors, fortuna pendebant. Contra placitum ejus & voluntatem aliquid fecisse vel dixisse capital erat. Illud prorsus admiratione dignum, quod referunt. CHAOCAUS fortè cervum obtulit Imperatori; quem equum, non cervum esse dicebat. Risit Imperator, & CHAOCAU M errasse dixit. Tum Colaus enimverò non cervum esse, sed equum, acriter cum Imperatore contendere. Hic ad circumstantes versus ex eis quærit, cervusne sit an equus? Alij cervum, equum

equum alij dixerunt; qui neutrum vellent offendum, tacuere. Notavit omnes, qui cervum dixerant, CHAOCAUS; ac deinde morte multavit. Unde omnes tantus illius invasit timor, ut, si mentem ejus noverant, scorpionem ovum dicerent; aperta veritatis faciem turpissimo deformantes assentationis lenocinio.

LIEUPANGUS interea vallis fauces, quā patebat aditus ad regiam, vītricibus & infestis armis penetraverat. INGUS contrā copijs omnibus præsidiariisque secum eductis oppositas Orienti fauces occupat, & propugnaculum YAO dictum inibi permunxit opere subiunctio. Adeit LIEUPANGUS, & totus in pugnam prurit. Quāmque primū invasisset Imperatoris exercitum, nisi CHANGLEANGUS reprimeret audaciam ejus. Hic videbat Imperatorem loco ac numero superiorē esse. Quare ad artes suas versus, multa rubri coloris vexilla disponit in montium jugis, vel ut majoris exercitū specie illudaret hosti, vel eum averteret, si forte cogitaret Imperator LIEUPANGUM in fugam compellere. Postea fidos homines subornavit, qui ad Imperatorem transfugerent. Hi sub justæ defectionis umbrā latentes exceptique benignè Imperatoris milites hinc inde ad sequendum LIEUPANGUM solicitantes, multò plurimis persuasere, ut illius signa sive felicitatem amplecterentur. Fidiores tamen adhuc timebant fidem deserere. Sed nihilo seciūs res in seditionem erupit ac motum in Imperatoris exercitu, quem CHANGLEANGUS discordiæ author ex alti montis vertice notavit. Ergo LIEUPANGUM statim pugnam ciere jubet. LIEUPANGUS superato magnis difficultatibus monte QUI per ejus crepidines à tergo tendens, repentina impetu inopinantes & male cautos percussit hostes, irruensque in eos aliquā factā strage vertit in fugam. Deinde fugientibus instans, ad LANTIEN oppidum jam ad præliandum paratos offendit, collatisque signis hostium potitur. Imperator in urbem se recepit; sed ubi se ab omnibus destitutum videt, victoris arbitrio se permisit, ut in sequenti libro referemus. Imperavit familia CINATRES & quadraginta duntaxat annos, habuitque Imperatores tres, ut dicimus. Nunc ad LIEUPANGUM redeamus.